

Wo kriminaliće we wuchodnej Sakskej diskutowali

## Zawod inwestuje do wěstoty

Kamjenc (BG/SN). Policajnska teorija zetka so ze wšědnej praksu – takle hodźał so wěstotny forum wčera w Kamjenskim awtowym domje Elitzsch najlěpje wopisać. Zapósłanc Sakskeho krajneho sejma Alojs Mikławšk (CDU) bě na njón zastupjer jow srjedźnostawskich zawodow přeprošył. Pozadk běštej noworjadowanje sakskeje policije a jeje wusměrjenje na wotwobaranje strachow a kriminality kaž tež na wjace wěstoty w nadržnym wobchadze. „Policajnski koncept 2020 njeředwidži žane skrótsjenja pola službu wukonjacych na puću, za to mjenje zarjadnistwa“, rozloží statny sekretar w sakskim nutřkownym ministerstwje dr. Michael Wilhelm. Z nim běštaj policajnski prezident Rainer Kann a nowa šefowka Kamjenskeho policajnskeho rewěra Susann Benad-Uslaub přišloj.

Jednaćel awtoweho domu Thomas

Elitzsch skedźbni na wěstotne aspekty w swojim zawodze. Přiběrace pady pokradnjonych awtow zawinuja stupace kóšty za zawěšćenje. Přeciwo njeskutkam mjezynarodnje organizowanych cwólbow su w jeho předewzaću wěstotnu službu angažowali a techniske wobstražowanje zesylili. Sakski policajnski prezident Kann sej chwaleše, zo móhli tajke swójske iniciatiwy předewzaćelow policajnske dźěło wudospójjeć. Runočasnje poručí wón firmam darmotne poradźowanje wěstotnych fachowcow policije na městnje.

W diskusiji so wukopa, zo měrja so paduši přiběrajcy na zawody we wotležanych přemysłowych kónčinach. Tam chce Kamjenski rewěr wjace policajnskich wobsadkow w ciwilnej drasće zasadźeć, zwurazni nawodnica rewěra Susann Benad-Uslaub.



Thomas Elitzsch informowaše wčera nawodnicu Kamjenskeho rewěra Susann Benad-Uslaub, zapósłanca Sakskeho krajneho sejma Alojsa Mikławška (CDU, wotléwa) a dałkich wo wěstotnych aspektach w swojim awtowym domje. Foće: BG, MiR